


1619_001.jpg



1619_002.jpg



1619_003.jpg

Histoire de nostre temps.

*masle ou femelle, la libre eslection d'un Roy apparten-
dra aux Estats generaux du Royaume, & non autre-
ment. Partant que luy Ferdinand descendu en
ligne directe de la vraye race & du sang royal de
Boheme, estant fils du fils de ladite Anne heritie-
re des Royaumes de Boheme & Hongrie, auoit
esté legitinement couronné Roy de Boheme à
Prague le 29. Iuillet 1617. Cy apres on verra dans
les Manifestes de l'un & des autres, ce qu'ils ont
dit pour & contre ce mot d'Heritier.*

Au couronnement de Ferdinand en Roy
de Boheme il feit promeſſe, *Qu'il se conten-
teroit d'estre couronné Roy de Boheme, sans pretendre
iouyr d'aucuns droicts royaux, sinon apres le decez du-
dit Empereur Matthias, ny de rien ordonner au gou-
uernement du Royaume sans son consentement.*

Or apres le decez de l'Empereur Matthias, ledit
Roy Ferdinand prit l'Administration & Regen-
ce actuelle, non seulement du Royaume de Bo-
heme, mais de celui de Hongrie, (comme en
ayant esté couronné Roy à Presbourg le premier
de Iuillet 1618.) & aussi de l'Austriche, (pource

quel Archiduc Albert Prince de Flandres, ayant
eu aduis de la maladie de son frere l'Empereur
Matthias, duquel il estoit l'vnique heritier en
Austriche, par ses lettres dattees du 2. Feurier à
Bruxelles 1619. luy en auoit donné l'adminis-
tration & gouvernement, avec pleine puissance d'y
recevoir tous les hommages & sermens.)

Pour le commencement de son administration en
tant de grands Estats, il fut conseillé de recher-
cher toutes sortes de moyens pour appaiser le


*droit d'eslire
un Roy, lors
qu'il ne reste-
ra plus aucuns
Princes &
Princesses du
sang Royal
de Boheme.*

*Le Roy Fer-
dinand prend
l'actuelle ad-
ministration
de la Boheme
& de l'Hon-
grie.*

*Et de l'Au-
strich par la
Commission
que luy en-
uoia l'Archid-
uc Albert
Prince de
Flandres.*

*Le Roy Fer-
dinand con-*

1619_004.jpg



4

M. DC. XIX.

seul de re- trouble de Boheme (sans blesser sa dignité roya-
chercher les le) remettre la paix, & contenter ses subjects de
moyens de pa- Boheme, Hongrie & Autriche, au point de la
essier la trou- Religion, pour lequel on preuoyoit qu'il y auroit
ble de Bohé- de grands soulleuements, s'il n'y donnoit ordre:
ma. Et cependant se tenir préparé pour la guerre.

Les Estats d'Autriche demandent du temps pour deliberer com- ment ils de- uront rendre les hommages & prestent le serment au Roy Ferdinand. tion aux Estats d'Autriche de s'assembler & se rendre à Vienne pour luy prestent les hommages & serments de fidelité: Mais les Estats sur la gran- deur de l'affaire, luy demanderent temps pour en deliberer, & cependant il fut supplié par eux de faire sortir les gens de guerre hors du pays, & de soulager des grandes charges qu'on luy faisoit souffrir. Combien ce dilayement de prestation de serment qui a duré quinze mois & plus, a ap- porté d'incommoditez & ruines en l'Autriche par les mouuements des Estats Euangeliques practiquez de ceux de Boheme, il se verra cy- apres.

Suspension d'armes en Boheme re- fusée par les Estats de Bo- heme. Pour preparer donc vn acheminement à quel- que conference de pacification en Boheme, il fit premierement scauoir aux Estats de Boheme qu'il auoit faict publier vne suspension d'armes en son armee commandee par le Comte de Bu- quoy, & à Budovits; ce qu'il fit aussi entendre aux Chefs de l'armee des Bohemes: Mais ceux cy ayans receu l'intention des Directeurs de Bo- heme (qui estoit de se rendre irreconciliables avec la Maison d'Autriche) mespriserent ceste suspension, & exercerent toutes sortes d'hostili- tez sur ceux qui portoient des viures à Budovits

1619_005.jpg

Histoire de nostre temps.


Et secondement, il escriuit aux Estats de Bohême & aux anciens Officiers Royaux. 1. Que par le trespas de l'Empereur Matthias estant entré en l'administration & gouvernement de la Bohême, il auoit deliberé de rechercher toutes sortes de moyens pour donner vne paix de longue durée à ses subjects. 2. Que pour y paruenir il estoit raisonnable que tous les anciens Officiers de la Couronne, & autres pourueus par feu la M. I. continuassent l'exercice de leurs Offices & charges, iusques à vne plus ample & plus particuliere resolution. Et 3. Que suiuant la promesse qu'il auoit faicte lors de son couronnement, il enuoyeroit dans vn mois au grand Burgrau de Royaume de Bohême la Confirmation de tous leurs Priuileges. Ce qu'ayant faict il esperoit que l'on luy rendroit l'obeïssance qui luy estoit deuë.

Ces lettres furent receuës par les Estats, mais ils resolurent de n'y faire aucune response: Et en firent publier la cause dans des lettres imprimées & par eux enuoyées aux Electeurs, Palatin & de Saxe, de ceste teneur: Qu'ayant eu tousiours recours à leur bienveillance ils auoient voulu les aduertir des lettres que Ferdinand leur auoit enuoyées, par lesquelles il vouloit que tous les anciens Officiers de la Couronne pourueus par l'Empereur Mathias exerçassent leurs Offices iusques à vne plus ample & plus particuliere resolution. Ce qui faisoit paroistre plus clair que le iour, le dessein de leurs aduersaires n'estre autre que de tascher à faire restablir les

*Premieres
lettres du Roy
Ferdinand
aux Estats de
Bohême &
aux anciens
Officiers de la
Couronne.*

*Lettres des
Directeurs
de Bohême
aux Ele-
cteurs Pala-
tin & Saxe,
sur le subiect
de lettres que
leur auoit en-
uoyées le Roy
Ferdinand.*

1619_006.jpg



M. DC. XIX.

6

principaux ennemis de leur Estat, en leurs charges & Offices, desquelles ils auoient esté priuez deslors que l'on auoit faict sauter les fenestres du Chasteau de Prague à aucuns des Conseillers d'Estat de la Chancellerie de Boheme: Et puis faire reüssir leurs desseins à la ruyne de leur patrie & de leur Religion.

*Declaration
du Roy Ferdinand pour
la Confirmation des
Privileges de
Boheme.*

Bien que le Roy Ferdinand n'eust eu aucune responce aux lettres susdites, il ne laissa d'enuoyer dans le temps prescrit la susdite confirmation de Priuileges en double original: par icelle 1. Il confirmoit tous les Priuileges octroyez aux Bohemes par les Roys Ottocar, Jean, Charles, Venceslaus, Sigismund, Albert, Ladislaus, George, Vladislaus, Ferdinand, Maximilian, Rodolphe, & Mathias. 2. Il promettoit de conseruer & faire obseruer les Edits faicts en Boheme ez annees 1608. & 1610. au point de la Religion, & tous les accords faicts entre les Catholiques, & les Euanangeliques faisans profession sous les deux especes: comme aussi les accords passez entre les Princes & Estats de Silesie pour le faict de la Religion en 1609. 3. Qu'il ne donneroit a aucun le gouuernement de Carlostein, où la Couronne de Boheme & les ornements royaux estoient gardez, qu'avec le consentement des Officiers & principaux seigneurs du Royaume & des Magistrats de Prague. 4. Qu'il ne confereroit les offices & benefices qu'à des naturels Bohemes, ce qu'il obserueroit aussi aux Prouinces incorporees. 5. Qu'il n'allieneroit aucuns biens de la Couronne, & ce qui en auroit esté alliené il

1619_007.jpg

Histoire de nostre temps.

7

le rachetteroit & feroit remettre en son premier estat. 6. Qu'il ne diminueroit la monnoye, mais la conserueroit en son prix & valeur. 7. Qu'il ratifioit par ces presentes toutes les donations faites par ses predecesseurs Roys de Boheme, pourueu qu'il n'y eust rien de contraire aux Ordonances du Roy Vladislaus. Et 8. Qu'il conserueroit à vn chacun les droicts, coustumes, priuileges & immunitiez qui leur auroient esté cy-deuant octroyees.

Ceste declaration de confirmation de Priuileges eust aussi peu d'effect pour faire esmouuoir les Bohemes à se reünir avec le Roy Ferdinand, comme ladite suspension d'armes & les lettres cy-dessus: Ils refuserent mesmes de receuoir la lettre qui accompagnoit ladite Declaration de Confirmation, pource qu'en la subscription on ne qualifioit les Directeurs de ces mots (sous l'une & l'autre espece.)


On a escrit que la raison pourquoy le Roy Ferdinand ne les auoit voulu qualifier de la sorte, estoit, pource que ladite Confirmation des Priuileges qu'on leur enuoyoit, ne les concernoit pas seuls, mais aussi les Catholiques.

Pourquoy les Directeurs refuserent de receuoir les lettres du Roy Ferdinand.

Nonobstant tant de refus, & rebuts, le Roy Ferdinand leur escriuit encor vne fois, pour les requerir de vouloir choisir & deputer d'entr'eux des personages capables, auxquels il donneroit saufconduit & parole de seureté à ce qu'ils peussent librement venir en sa cour, & s'en retourner, pour trouuer quelque expedient d'appaiser ce trouble: Mais ils ne luy voulurent faire aucu-

A iiii

1619_008.jpg



8 M. DC. XIX.

ne response: aussi il se verra cy-apres qu'ils auoient pris vne resolution laquelle estoit bien esloignee de vouloir entendre à quelque accord avec le Roy Ferdinand.

Continuation de la guerre en Boheme. Ainsi la guerre se continua de part & d'autre, avec plus d'animosité. Les courses que le Comte de Buquoy fit faire par sa caualerie donnerent de grandes craintes aux habitans des villes voisines de Budovits & Krumav. Chinsci de la part des Bohemes estoit tousiours à la campagne avec

Courses des Imperiaux.

Qui sont chargez par les Bohemes.

mille chevaux & quinze cents harquebusiers pour attraper les Imperiaux & les descharger des picorees qu'ils faisoient. En vne rencontre qu'il fit de quatre cens Heyduques il en tua quelques vns, les autres prenans la fuitte abandonnerent leur proye à ses soldats. Le 6. Auiril sur vn aduis qu'il eut aussi que de l'armee du Comte de Buquoy, il en estoit party quatre cents hommes tant de pied que de cheval pour aller à la guerre vers Sianberg, il y fut avec le Comte Iean George de Solme, & les ayant rencontrez en leur retour barricadez dans vn village, il fit mettre aussi tost le feu aux premieres maisons, tellement que les barricades forcees, les vns se fauerent à la fuitte, vne partie y perdit la vie, ce qu'ils auoient picoré fut repris, & cent cinquante y demurerent prisonniers.

Le Comte de Buquoy se retranche deuant Budovits.

Pour empescher les courses des Imperiaux, l'armee des Bohemes s'approcha si prez de Budovits qu'elle le tenoit bouclé de l'vn des costez de la Molde: Mais le Côte de Buquoy pourueut si iudicieusement à la fortification de Budovits &

1619_009.jpg

Histoire de nostre temps.

9

au retranchement des troupes Imperiales, qu'il enuoya en l'air toutes les entreprises que voulerent tenter les Bohemes contre ses troupes & ses deux places, seules restees dans la Boheme en l'obeyssance du Roy Ferdinand.

Les troupes leuees en Flandres du viuant de l'Empereur Mathias & pour son secours, composees de deux mille cheuaux conduits par le vieil Capitaine Gaucher, & huiet mille hommes de pied en trois regiments, scauoir deux de Valons, l'un au nom du Comte de Buquoy, & l'autre du Comte de Henin, & le troisieme d'Allemands dont estoit Maistre de camp le Comte Iean Louys de Nassau qui s'estoit fait Catholique, & auoit pris le party de la maison d'Autriche: ayans prins leur chemin par les frontieres de Baviere pour passer le Danube aux enuiron de Passau, & par là entrer en la Boheme, afin d'y joindre le Comte de Buquoy à Budovits, furent le sujet que les Directeurs de Boheme enuoyerent vn Ambassadeur vers son Altesse de Baviere, avec lettres, Pour le prier de ne donner passage aux armées Espagnoles par ses terres: s'il le faisoit que la Boheme non seulement en pourroit receuoir de l'incommodité, mais aussi les pays des Electeurs & Princes d'Allemagne leurs voisins. Qu'il considerast aussi le sang innocent qui seroit respandu.

Le Duc de Baviere leur fit response, Qu'il ne pouuoit empescher le passage de ces troupes sans de puissantes forces, veu que le chemin par où elles deuoient passer estoit plain libre & ou-

*Lettre des
Directeurs de
Boheme au
Duc de Ba-
uieres pour le
prier de ne
permettre le
passage par ses
terres au se-
cours de Flan-
dres qui s'a-
cheminoit en
Boheme.*

*Response du
Duc de Ba-
uieres.*

1619_010.jpg




Image issue du site mercurefrancois.ehess.fr - Cliché (c) Cécile Soudan